



Resolución do Departamento Territorial da Consellería do Mar na Coruña pola que se actualiza a lista aberta para o incremento do número de cotas de captura para as embarcacións incluídas no plan de xestión conxunto do recurso específico SOLÉNIDOS, modalidade mergullo en apnea e con subministro de aire dende a superficie, das confrarías de pescadores de Fisterra, Corcubión e Lira

Antecedentes

1. O 15.12.2021 esta dirección territorial ditou a Resolución pola que se fixo pública a lista aberta para o incremento do número de cotas de captura para as embarcacións incluídas no plan de xestión do recurso específico SOLÉNIDOS, modalidade mergullo en apnea e con subministro de aire dende a superficie, das confrarías de pescadores de Fisterra, Corcubión e Lira (en diante plan de xestión).

2. O 17.12.2021 esta dirección territorial ditou Resolución comunicando o emprego da lista aberta para o incremento do número de cotas de captura para as embarcacións incluídas no plan xestión, que deu como resultado, entre outros, o outorgamento de unha (1) cota máis á embarcación CALA FIGUEIRA, que pasou de ter unha (1) a ter dúas (2) cotas de captura no seu permiso de explotación.

3. A Orde do 19 de decembro de 2024 aprobou os plans de xestión para recursos específicos e algas en Galicia para o trienio 2025-2027 (DOG Núm. 251, de 31.12.2024).

De conformidade co expediente de aprobación do plan de xestión (PE410A 2024/20-1), estableceuse un número máximo de 18 embarcacións con 53 tripulantes habilitados con dereito a cota para todo o trienio 2025-2027, con distribución por confrarías.

Trala finalización do último proceso de renovación de 2024 desta modalidade na entidade para o trienio 2025-2027, o número de embarcacións con solénidos no permiso de explotación autorizadas para participar no plan é de 16 embarcacións e 45 habilitacións.

4. Durante este período tramitaron expedientes de transmisión dos permisos de explotación tres das embarcacións da lista: JAVI (CFPO 56707), XEITEIRA (CFPO 57427) e SEGUNDO BRISA (CFPO 58785), pero só esta última presentou solicitude, con data 30.03.2023, para a actualización dos méritos a nome da nova persoa armadora.

5. O 20.02.2025 esta dirección territorial ditou Resolución pola que se actualiza a lista aberta para o incremento do número de cotas de captura para as embarcacións incluídas no plan de xestión do recurso específico SOLÉNIDOS, modalidade mergullo en apnea e con subministro





de aire dende a superficie, das confrarías de pescadores de Fisterra, Corcubión e Lira, dando un prazo de alegacións ás puntuacións provisionais.

6. A embarcación SEGUNDO BRISA (CFPO 58785) presenta alegacións o 25.02.2025 indicando que presentou solicitude de actualización de méritos tralo cambio de persoa armadora o 30.03.2023, pero que esta non se tramitou ata este momento, impedindo así actualizar os méritos en 2024 e en 2025, polo que solicita que se teñan en conta os ditos méritos e non os anteriores a 2023.

7. A embarcación JAVI (CFPO 56707) solicita a súa inclusión na lista o 25.02.2025, presentando a documentación axeitada.

8. O 26.03.2025 esta dirección territorial dita resolución pola que se modifica a resolución do 20.02.2025 que actualiza a lista aberta para o incremento do número de cotas de captura para as embarcacións incluídas no plan de xestión do recurso específico SOLÉNIDOS, modalidade mergullo en apnea e con subministro de aire dende a superficie, das confrarías de pescadores de Fisterra, Corcubión e Lira, dando un novo prazo de alegacións ás novas puntuacións provisionais.

9. Transcorrido o dito prazo de alegacións, non se presentou ningunha.

Consideracións legais e técnicas

1. A Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia, establece nos artigos 39 a 46 o procedemento para o incremento do número de cotas de captura para as embarcacións incluídas nun plan de xestión. No seu artigo 39 establece un sistema de lista aberta para o incremento do número de cotas de captura para as embarcacións incluídas nun plan de xestión na que a orde de prelación das embarcacións virá determinado pola puntuación obtida trala aplicación do baremo previsto no artigo 43.1.

Este baremo inclúe 5 puntos para as embarcacións que teñan unha (1) soa cota de captura no permiso de explotación. A embarcación CALA FIGUEIRA (CFPO 58870) perdeu esa puntuación ao serlle outorgada unha nova cota no procedemento indicado no punto 2 dos antecedentes.

2. No punto 4 do artigo 39 da Orde do 30 de decembro de 2015, establécese que as listas estarán abertas permanentemente para que as persoas armadoras de embarcacións interesadas incluídas no plan de xestión poidan solicitar a inscrición.

3. As embarcacións admitidas están incluídas no plan de xestión de solénidos conxunto das confrarías de pescadores de Fisterra, Corcubión e Lira e cumpren os requisitos establecidos para participar no sistema de listas para o incremento do número de cotas de captura do recurso específico percebe (artigos 41 e 42 da Orde do 30 de decembro de 2015).





4. No caso de que se efectúe a transmisión do permiso de explotación dunha embarcación inscrita na lista, a embarcación causará baixa nesta. Para a súa inclusión, a nova persoa armadora deberá presentar unha nova solicitude de inscrición na lista ao obxecto de actualizar os méritos para a nova persoa armadora no momento en que se autorice a transmisión do permiso de explotación.

5. As solicitudes de actualización de méritos deberán presentarse, sen prexuízo das presentacións posteriores a unha transmisión do permiso de explotación, no mes de xaneiro de cada ano, tal e como establece o artigo 45 da Orde do 30 de decembro de 2015 pola que se regula a explotación dos recursos específicos na ámbito da Comunidade autónoma de Galicia.

6. Esta dirección territorial é o órgano competente para a elaboración e o control das listas, así como para a súa actualización e para comunicar o seu emprego de conformidade co establecido na sección 4ª do capítulo III e o artigo 52 da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia.

De acordo con todo o anterior,

RESOLVO:

Actualizar a lista aberta para o incremento do número de cotas de captura para as embarcacións incluídas no plan de xestión do recurso específico SOLÉNIDOS, modalidade mergullo en apnea e con subministro de aire dende a superficie, das confrarías de pescadores de Fisterra, Corcubión e Lira, segundo se recolle no anexo I desta resolución.

A presente resolución publicarase na páxina web <http://www.mar.xunta.gal> e tamén se exporá, con carácter informativo, nos taboleiros das confrarías de pescadores de Fisterra, Corcubión e Lira.

Esta resolución notifícaselle á confraría de pescadores de Fisterra consonte ao artigo 40 e seguintes da Lei 39/2015, de 1 de outubro.

A directora territorial

María José Cancelo Baquero

Por ausencia (Resolución 13 de maio de 2024)

O xefe do Servizo de Desenvolvemento Pesqueiro

Miguel Gómez Losada



ANEXO I: Lista aberta para o incremento do número de cotas de captura para as embarcacións incluídas no plan conxunto de xestión de solénidos das confrarías de pescadores de Fisterra, Corcubión e Lira

Embarcación	Matrícula	Folio	Embarcación cunha soa cota de captura C.1	Experiencia profesional persoa armadora C.2	Habitualidade pesqueira C.3	Total
AYENKA	CO-4	1368	0,00	4,00	3,00	7,00
MARIA JESUS	CO-4	1493	0,00	4,00	3,00	7,00
SEGUNDO BRISA	CO-5	1-11	0,00	4,00	3,00	7,00
TRICHA	VILL-2	4866	0,00	4,00	2,00	6,00
CALA FIGUEIRA	CO-5	1-14	0,00	4,00	1,00	5,00
JAVI	CO-5	2029	0,00	0,00	3,00	3,00



Os epígrafes de cada columna son: (de acordo co apartado C do anexo I da Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro)

Por ausencia (Resolución 13 de maio de 2024)

- **TOTAL:** puntos acadados en total.
- **C.1: Embarcacións que só teñen unha cota de captura no plan de xestión: 5 puntos.**
- **C.2: Experiencia profesional no sector da persoa armadora da embarcación.**
Terase en conta que a persoa armadora estivese enrolada como mergulladora en embarcacións que contan coa modalidade nos 2 anos anteriores á data da convocatoria: 0,2 puntos/mes completo. Para as embarcacións que solicitan a inscrición na lista, unha vez confeccionada, entenderase nos 2 anos anteriores á data da entrada da súa solicitude no Rexistro electrónico da Xunta de Galicia.
A puntuación máxima total que se poderá obter nesta epígrafe será de 4 puntos.
- **C.3: Habitualidade da actividade pesqueira.**
 - Se a embarcación acredita ter realizado actividade extractiva entre 15-35 % dos días que foron efectivamente autorizados para a extracción dentro do plan de xestión do ano natural inmediatamente anterior: 1 punto.
 - Se a embarcación acredita ter realizado actividade extractiva entre 35,01-60 % dos días que foron efectivamente autorizados para a extracción dentro do plan de xestión do ano natural inmediatamente anterior: 2 puntos.
 - Se a embarcación acredita ter realizado actividade extractiva superior a un 60,01 % dos días que foron efectivamente autorizados para a extracción dentro do plan de xestión do ano natural inmediatamente anterior: 3 puntos.
Para as embarcacións que solicitan a inscrición na lista, unha vez confeccionada, entenderase o ano natural inmediatamente anterior á data da entrada da súa solicitude no Rexistro electrónico da Xunta de Galicia.
A puntuación máxima total que se poderá obter nesta epígrafe será de 3 puntos.

